

INSTITUT ZA ZDRAVLJE I SIGURNOST HRANE ZENICA

ul. fra Ivana Jukića br. 2., Zenica

Broj: 02-~~117~~ 126

Zenica, 12.01.2026.godine

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Sl. glasnik BiH“, broj: 39/14, 59/22 i 50/24), direktor Instituta za zdravlje i sigurnost hrane Zenica, donosi

ODLUKU
o poništenju postupka javne nabavke

Član 1.

Poništava se postupak javne nabavke roba – Nabavka laboratorijskog materijala, hemikalija, medicinske i laboratorijske plastike - **LOT 11. – HEMIJSKI POTROŠNI MATERIJAL**, u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici ugovornog organa (www.inz.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-4598/25 od 08.12.2025.godine. Postupak nabavke je proveden otvorenim postupkom za koji je objavljeno obavještenje o nabavci na Portalu javnih nabavki broj: 7126-1-1-313-3-131/25 dana 08.12.2025. godine. Postupak nabavke provela je Komisija za javne nabavke imenovana Rješenjem broj: 02-4599/25 od 08.12.2025. godine.

Do predviđenog vremena za dostavu ponuda zaprimljena je ponuda ponuđača MIKRO+POLO d.o.o. Sarajevo. Nakon ocjene predmetne ponude, Komisija je ponudu ponuđača MIKRO+POLO d.o.o. Sarajevo za LOT 11. – HEMIJSKI POTROŠNI MATERIJAL, ocijenila nepravilnom budući da je ponuđač *MIKRO+POLO d.o.o. Sarajevo* dostavio izjave iz člana 45. i člana 52. Zakona o javnim nabavkama BiH, međutim iste nisu popunjene u skladu sa zahtjevima tenderske dokumentacije i važećim tumačenjima nadležnih organa. Naime, u tekstu dostavljenih izjava kao lice koje daje izjavu naveden je direktor društva (zakonski zastupnik), dok su izjave potpisane od strane drugog lica – punomoćnika, iako je uz ponudu dostavljena punomoć za navedeno ovlašteno lice. Prema stavovima Agencije za javne nabavke BiH izraženim u dostupnim mišljenjima, izjave iz člana 45. i člana 52. ZJN BiH imaju karakter ličnih izjava ponuđača, te potpisnik izjave mora biti isto lice koje je u njenom tekstu navedeno kao lice koje izjavu daje. Nepodudaranje između navedenog lica i stvarnog potpisnika čini predmetne izjave nevažećim dokazima o ispunjavanju zakonom propisanih uslova. S obzirom na navedeno, ponuđač nije na propisan način dokazao ispunjavanje obaveznih uslova za učešće u postupku javne nabavke, te se njegova ponuda odbacuje kao nepravilna.

Cijeneći odredbu člana 69. stav 2. tačka d) Zakona o javnim nabavkama Ugovorni organ je obavezan poništiti postupak javne nabavke u slučaju da nijedna od primljenih ponuda nije prihvatljiva. Kako je utvrđeno da nema dostavljenih prihvatljivih ponuda u naznačenom lotu, odlučeno je kao u dispozitivu.

POUKA O PRAVNOM LIJEKU


Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1x MIKRO+POLO d.o.o. Sarajevo

1x www.inz.ba

1x arhiva

DIREKTOR

Dr. sci. Muamer Mandra, DVM



19/19